

Allorfik

**Ima meeqqavit qarasaasiakku
pinnguaatersortarnera pillugu
oqaluussinnavat**



Qanoq ilillutit meeqqavit qarasaasiatigut pinnguaatinut atuinera oqaloqatigiissutigisinnaanerinit tunngatillugu ilitsersuummi uani atuarneqarsinnaapput.

1 | Oqaloqatiginissaanut piareersarit

Eqqarsaatigilluaruk suut eqqartorniarnelugit, suullu oqaloqatigiinnermi eqqumaffiuisinnaanersut, suut pillugit aperiniarpiuk sunalu oqaluunnermi anguniarneqarnersoq? Aamma eqqaamasassanut allattuiffiliorsinnaavutit, taanna uterfiguiaannarsinnaallugu pisinnaavutit.

2 | Qitornat oqaluttuutigit suna eqqartulernerlusiuk

Qarasaasiatigit pinnguaatersortarneq pillugu oqaloqatigiinneq ingerlassasoq, tamannalu pillugu apeqqutissaqartutit. Eqqumaffigiuk/alaatsinaaguk qitornavit qarasaasiakkut pinnguaatersornermi pikkoriffii kiisalu inuunera. Suut eqqortuunersut eqqortuunngitsuunersullu eqqumaffigikkitt.

3 | Suna pinnguaatip anguniagarineraa apersoruk

Isumatusaarnerussaag qarasaasiakkut pinnguaatit eqqartornerani soorlu sunngiffimini sammisartagaanut tunngasunik apersorneratut eqqartueqatiginissaa. Pinnguaat pillugu apeqquteqarit, soorlu timersornermut tunngatillugu apeqquteqaraangavit:

"Unammineq qanoq ingerlava?" "Kikkut ilagaagit?" Unamminissamut sungiusarpi-si?". Anngaappat, "Sungiusarneq qanoq ililluta ilinniakkerinissamut pilersaarusiorsinnaavarput?".

Meeraq sungiusarluarsimassappat, taava sungiusartarnera atuarnernanut akornutaatinngagu pilersaarusiorneqartarpoq. Imaassinnaasoq qarasaasiakkut pinnguaatersornerit pillugit isiginnittariaatsit allannngortittariaqassagit.

Angajoqqaat ikittuinnaat meerartik unammilluni arsartooq unammileruttortoq unitsisinnaanngilaat, angerlarsimaffimmilu qarasaasiakkut pinnguaatersornerit unitsiinnarsinnaavaat unnukkut nerisassat piareeneri pissutiginnarlugit, assersuutigalugu. Taamaattumik ataatsimoorullugu/paaseqatigiiffiusumik pinnguaatersorneq pillugu aaqeeqatigiittoqartariaqarpoq.

4 | Paasinnilluarit

Qitornavit qarasaasiakkut pinnguaatersortarnera paasilluarumallugu suut pinnguaatersuutigisarnerai paasilluakkit, sumullu tunngasuunersut aamma, soorlu taak-korpiaat pinnguaatersortarnerai ilanngullugit, inuuneranullu suut ajoqutaasinnaanersut eqqumaffigalugit. Ingasaallugu pinnguaatersorup inuunermi ajornartorsiutinik nassataqarsinnaanera, assersuut: kiserliulernerq, ilaqtutanut ikinngutinulluunniit

ajornartorsiutit, imaluunniit aapparisaamit qimagaanerit. Pingaaruteqarpoq qitornappit oqaluttuarnissaanut periarfissinnissaa.

5 | Isumakuluutit eqqartukkit

Qitornannut piviusunik assersuusiorit, qitornavit pinnguaatersortarneranut alaatsinaannerit isumakuluutitillu ersarissuutikkkit. Assersuutigalugu qanoq sivitigisumik pinnguaatersonermut qitornavit atuinera, immaqaluunniit isumaqatigiissutinik eqquutitsinnginnera il. il. Pimoorussivallaartuunak, kisianni oqaluttuullugu sooq isumakuluuteqarnerlutit.

Assersuutigalugu: "Ikinngutiginerpaasat Inuk aneeqatigissaarpiulluunniit? Aamma arsariassaarputilluunniit. Isumakuluutigaara kiisalu ajunnginnersutit paaserusuttarpara. Oqaluttuutillaannga sooq Inuk peqatigisarunnaarnerit imaluunniit arsariassaarlutit, qarasaasiakkut pinnguaatersorniaannavillutit pinerit?"

6 | Periarfissat allat eqqartorsigit

Suut qitornavit nuannarai? Ilaqutariittut suut sammineqarsinnaappat? Imalt. kammalaatini qanoq peqatigeqqittalernissaat il. il.

7 | Ataatsimoorussamik malitassalioritsi

Oqaluutereernerup kingorna qitornavit qarasaasiakkut pinnguaatersortarnera pillugu aaqqeeqatigiigitsi, pinnguaammik atuinerit, piffissaq sungiusarnernut atorineqartartoq, unammiaarnerit kiisalu pinnguaatersornerujussuaq, ataatsimoorussamik malittarisassiorsinnaavusi qarasaasiamik atuinermut tunngasunik.

Imaassinnaavoq ass. qitornavit piffissaq ullorlu aalajangersimasoq atortarsinnaagaa, imaanngitsoq ullut tamaasa piffissami sivikitsuinnarmi. Aamma nerinerup nalaani tablet-sit oqarasuaatillu angallattakkat (mobil) nassarneqassanngitsut, kiisalu piffissaq aalajangersimasoq internet ikumasassasoq.


Eqqaamallugu qitornavit qarasaasiakkut pinnguaatersornerata pisariaqartitai aallaaviginissaat, unammiaarnerillu. Piffissap aalajangiisuunnginnissaa pingaarpoq, online-kkut qaqugukkut ingerlanneqartarnera kiisalu pinnguaatersornermi unikkallar-neq (pause) toorneqarsinnaanngimmat imaluunniit pinnguaat qamiinnarneqarsinnaanani. Soorlu arsaalluni unammineq aamma maanaannaq qimanneqarsinnaanngitsoq.

8 | Eqikkaaneq

Isumassatsialaavoq oqaloqatigiinneq eqikkaanermik naggasissallugu, taamaasilluni qitornap paatsuunnginngin-nissaa anguniarniarlugu. Taamaasilluni qitornaasup suut isumaqatigiissutigineqarnersut paasillaarniassammagit.

Aningaasanoortarneq pingitsuisinnaanerlu pillugit paasisaqarnerorusuppit?:

WWW.ALLORFIK.GL



Paasisaqarnerorusukkit:

✉ allorfik@allorfik.gl

☎ +299 52 53 43

🌐 www.allorfik.gl